

COMUNICÂT STAMPE

Sucès pe prime edizion dal Zecchino d'oro in marilenghe

**"IL TROI DE VITE" DI MAURO VIDONI AL VINÇ
IL FESTIVAL DAI FRUTS FURLANS**

360 piçui si son esibîts denant a un teatri G. da Udin plen di public

Udin, ai 22 di Dicembar 2013 - A vinci la prime edizion dal "Festival dai fruts furlans" - une sorte di "Zecchino d'oro" dute in marilenghe - e je stade une cjantade cuntun test impegnât e poetic - "Il troi de vite" di Mauro Vidoni - interpretade de formazion di vôs blancjis "Vocin Volo" de cooperative sociâl Ritmea di Udin direzude de mestre Lucia Follador.

Il secont puest al è lâf ai fruts di "Blave e Bambù", cueste gaiarine e multiculturali de corâl "Musica Mia" di Selvis di Remanzâs direzude di Lucia Bianchi, che e à interpretât il test di Ilva Valusso "I proverbis dal mê" metint in mostre il vêr spirt di cheste manifestazion: insedâ l'amôr pe lenghe furlane tai plui zovins, doprant il lengaç universâl de musiche tant che strument di integrazion.

Une cetant bieles "Ploie e soreli" scrite di Giulia Daici, une des plui inmagantis cjantautoris de musiche furlane, e à conquistât il tierç puest interpretade dal côr "In Arte.... Buri" sot de direzion dal mestri Andrea Severino.

Grande la rispueste di public pe cheste prime edizion dal festival, ideât e condusût di Dario Zampa cu la poie de Provincie di Udin e in colaborazion cu la ARLeF, Agenzie regionâl pe lenghe furlane, Fondazione Crup e Unicredit.

Al Teatri Gnûf "Giovanni da Udine" si son esibîts cu l'acompagnament musicâl de orchestre direzude di Marco Ballaben plui di 360 fruts dai cuatri ai sedis agns intune gare cjanore che e à metût a confront 12 cjançons ineditis dutis componudis in lenghe furlane.

"L'iniziativa - al à spiegât il president de Provincie, Pietro Fontanini - e je nassude cu la finalitât di coinvolzi i fruts e i fantats a praticâ la lenghe furlane, nudrint la identitât linguistiche dal nestri teritori. Si pense che il furlan al sedi une lenghe fevelade sore il dut di chei che a àn i cjavei blancs: cheste sere la vin scoltade

cun plasê tes vôs des gnovis gjenerazions. Su chest o vin di lavorâ ancjemò par che e vedi un avignì", al à dit Fontanini, zontant ancje il ringraziament ae ARLeF pe poie al festival.

La serade à vût tant che ospite une grande Giulia Daici, che e à interpretât "Lidrîs di armonie", une des cjançons dal so ultin "Tal cîl des acuilis" che si è classificât al secont puest pes "Targhe Tenco 2013" te categorie miôr album in lenghe di minorance. In spiete dai risultâts de zurie presiedude di Enzo Driussi (e componude ancje di Rosalba Perini par cont de ARLeF) Sdrindule, Romeo il cjargnel e il piçul Nathan - talent comic rivelazion dal festival - si son esibîts intun intermieç brilant insiemi cul cjantant Miani.

Di segnalâ che e je stade assegnade "ex aequo" la targhe pal miôr test a "Cui voi dai fruts" di Ermes Di Lenardo (in art, Sdrindule) e a "Polente e frico" di Aldo Rossi.

Elisabetta Pozzetto
Tel. 0432 555724 mob. 335 8002058